

eman ta zabal zazu



Universidad  
del País Vasco

Euskal Herriko  
Unibertsitatea

**UPV/EHU<sub>n</sub> IKERTZAILEAK PRESTATZEKO KONTRATAZIO  
DEIALDIA  
2024**



## SARRERA

Universidad del País Vasco / Euskal Herriko Unibertsitateak (aurrerantzean, UPV/EHU), Euskal Herriko Autonomia Erkidegoko ikerkuntza gunerik handiena izaki, eskuordetuta du unibertsitateko pertsonal titulatuak ikerkuntzan prestatzeko eginkizuna eta, hori dela eta, doktorego tesien laborazioa sustatzen du; horrexetarako, doktorego aurreko pertsonal ikertzailearen kontratazioa helburu duen honako laguntza deialdi hau argitaratzen du.

Egungo gizartean ezinbestekoak dira doktoreak, bai testuinguru produktiboan bai sozialean. Unibertsitateak doktoreak hezi behar ditu eta ahaleginak egin behar du prestakuntza hori, jakintza eta berrikuntza aurrera doan gizarteari egoki dakion, gizartean bertan emakume eta gizonen jakintza, batzuen eta besteen eskubide, erantzukizun eta aukeren berdintasunean txertatuz. Doktoregoko ikasketek, karrera akademiko bat egiteko prestatzeaz gain, enpresa, erakunde eta instituzio berritzaileetan langile gaituak sartzeko aukera ematen dute.

UPV/EHU<sup>n</sup> sortzen da EAEn sortzen den unibertsitate mailako euskarazko ekoizpen zientifiko gehiena. Euskaraz hizkuntza gutxitu moduan egun duen egoera kontutan hartuta, ezinbestekoa da ikertzaileen lan eta ekarpena euskaraz egin eta zabal dezatela. Euskararen arloko Errektoreordetzak arlo hau bultzatu nahi izan du azken urteotan eta, horretarako, laguntzak eman dizkie doktoregai elebidunei doktorego tesiak euskaraz egin ditzaten. Hortaz, UPV/EHUren Euskararen III. plan gidarian (2018-2022), Gobernu Kontseiluak 2018ko abenduaren 20an onetsitakoan, helburu gisa hartzen da euskarazko doktorego tesien kopuru osoa gehitzea. Honez gainera, plan gidari berri honetan, bermatu nahi da euskarazko komunikazio akademikoaren kalitatea ikerkuntzaren alorrean eta, horretarako, prestakuntza espezifiko eskainiko zaio prestakuntzan ari den ikertzaile kontratatuei.

Halaber, UPV/EHUk, 2014ko azaroaren 19an esparru hitzarmen bat egin zuen Bordeleko unibertsitatearekin proiektuan integratutako unibertsitateekin Euroeskualdeko Nazioarteko Bikaintasun Campusa eratzeke, zein bere bikaintasun proiektuen testuinguruan, Euskampus eta IdEx Bordeaux, hurrenez hurren. Esparru hitzarmen hori berritua izan da 2018ko azaroaren 30ean eta luzatu beste lau urtetarako. Euroeskualdeko Campusaren helburua mugaz gaindiko sare bat osatzea da, nazioartean eragina izango duena eta ardatz atlantikoaren erreferentzia bilakatuko dena hala jakintzaren sorrerari nola gaitasun zientifiko eta teknologikoei dagokienez, eta hori jakintzaren balio kate osoan: ideien sorreratik hasi eta ideiak gizartearentzako onura bilakatu arte.

Oinarritzko hitzarmenak xede hauek ditu, besteak beste: sinatzaileen arteko lankidetzak akademikoak, gradu eta masterreko titulazioak eta etengabeko prestakuntzako ikasketak elkarrekin emateko, erakunde bietan aitorpena izango dutenak kredituetan; ikerketa proiektuak egitea lankidetzan; eta doktorego tesiak tutorekidetzan zuzentzea.

Azkenik, Paueko eta Aturriko Herrialdeetako Unibertsitatearen eta Universidad del País Vasco/Euskal Herriko Unibertsitatearen artean sinatutako lankidetzarako esparru hitzarmenaren baitan, doktorego aurreko kontratuak egiteko deialdi publikoa sartu da, doktorego tesiak tutorekidetzaren erregimenean egiteko.

UPV/EHUren 2022-2025 Plan Estrategikoaren helburua da irakasle eta ikertzaileen plantilla plana onartzea eta garatzea. Horretarako, beharrezkoa da doktoreen prestakuntza aurreikustea langile doktoreen urritasuna hauteman den jakintza arloetan, eta horrek irakasleen plazak betetzeari eragiten dio. Testuinguru horretan, deialdi honen bidez, aipatu arloetan doktorego tesiak egitea bultzatu nahi da, berariazko beharrak zehaztuz eta plaza kopuru bat gordez eta, horrela, horietatik datozen eskaerei lehentasuna emanez.

Nazioartekotzea balio erantsia da doktorego aurreko prestakuntzan, ikaskuntza eta ikerketa karreran beharrezkoak diren gaitasunen garapena osatuz. Horregatik, deialdi honek nazioarteko egonaldi bat egiteko baldintza ezarri du, batez ere doktorego-titularen nazioarteko aipamena lortzera bideratua.

Desgaitasuna duten pertsonentzako kupo bat ezarri da, pertsona horiek ikerketa karreran dituzten beharrianak kontuan hartuta, aukera berdintasuna bermatzeko eta desgaitasun arrazoiengatik diskriminazioari aurre egiteko.

Honako deialdi hau, hortaz, batera aurkezten dute Ikerketaren arloko Errektoreordetzak (aurrerantzean IAE), Euskara, Kultura eta Nazioartekotzearen arloko Errektoreordetzak eta Bordeleko unibertsitatearekiko eta UPPArekiko lankidetzaren barruan. Horregatik, lau modalitatetan egituratuta dago, deialdiaren 2. oinarrian adierazi bezala.

Laguntzen finantzaketa 5.700.000 eurotakoa izango da gehienez. Euskara, Kultura eta Nazioartekotzearen arloko Errektoreordetzak 600.000 euro jarriko ditu, eta gainerakoa IAEk jarriko du, bi kasuetan 2023-2026 Unibertsitate Sistemaren Planean Eusko Jaurlaritzarekin formalizatutako Programa Kontratuaren finantzaketan oinarrituta. Adierazitako zenbatekoa urtero erabilgarri dagoen aurrekontuaren arabera aldatu ahal izango da.

Errektoreordetza biok konprometitutako finantzaketaz ordainduko dira errektoreordetza bi horiek lehenago burututako deialdien bidez emandako laguntzei legozkiekeen urteko ordainketak eta doktorego osteko kontratu berrien lehenengo urteko ordainketak. Horretara, Ikerketa, Garapen eta Berrikuntza batzordearen (aurrerantzean IGBB) aldeko txostena jaso ostean eta gobernu kontseiluak onetsi ondoren, IAEk eta Euskara, Kultura eta Nazioartekotzearen arloko errektoreordetzak erabaki dute subentzioak emateko honako deialdi hau argitaratzea, ondoren zehaztuko diren baldintzetan.

### 1. oinarria. DEIALDIAREN XEDEA

Deialdiaren xedea da unibertsitateko tituludunak UPV/EHUren doktorego programetan prestatzea, bai eta jakintza zientifikoaren edozein arlotako doktorego tesiak egitea ere, doktorego aurreko kontratuaren bidez, Zientzia, Teknologia eta Berrikuntzari buruzko ekainaren 1eko 14/2011 Legearen 21. artikuluan eta 2022ko irailaren 6ko aldaketan ezarritakoarekin bat etorrita.

### 2. oinarria. DEIALDIAREN MODALITATEAK

2.1. Deialdiak lau modalitate hartzen ditu:

- **I. modalitatea:** doktorego aurreko prestakuntzan ari diren ikertzaileen kontratazioa.
- **II. modalitatea:** Prestakuntza bidean dauden doktorego aurreko ikertzaileen kontratazioa, doktorego tesia euskaraz egiteko.
- **III. modalitatea:** Kontratazio deialdia, ikertzaileak UPV/EHU<sup>n</sup> prestatzeko UPV/EHUren eta Bordeleko unibertsitatearen arteko tutorekidetzan.
- **IV. modalitatea:** Kontratazio deialdia, ikertzaileak UPV/EHU<sup>n</sup> prestatzeko UPV/EHUren eta UPPAren arteko tutorekidetzan.

2.2. Hautagai bakoitzak eskari bakar bat egin ahal izango du, I eta II. modalitateak batera hautatu ahal dituelarik, nork bere interesaren arabera lehenetsiz, edo III. zein IV. modalitateetako bat. III. eta IV. modalitateak bateraezina dira elkarren artean eta I eta II. modalitateekin. Beren arteko bateraezintasunik dute modalitateak hautatuz gero, horietako bakar bat aukeratu beharko da akatsak zuzentzeko fasean.

2.3. Modalitateen hautaketa eta lehenespena ezin izango da aldatu, eskaria aurkeztu ondoren.

### 3. oinarria. ESKATZAILEEN BETEKIZUNAK

3.1. Deialdi honetan parte hartzeko, eskatzaileek ondoren zerrendatzen diren baldintza guztiak bete behar dituzte **eskarria aurkezten denean**:

3.1.a. Honako baldintza hauetakoren bat bete:

- i. **Doktoregora sartzeko bide ematen duen unibertsitate tituluaren jabe izan, 2021eko urtarrilaren 1etik aitzina lortuta, data hori barne, lortuta.** Arau horrek bi salbuespen izango ditu:
  - Doktoregorako sarbidea ematen duen titulazioaren aldi baterako baldintza honen betetzetik salbuetsi ahal izango da, baldin eta % 33ko desgaitasuna edo handiagoa frogatzen bada eta proposatutako ikerketa proiektuan egin beharreko lanarekin bateragarria dela egiaztatzen bada. IGBBk salbuespenezko inguruabarrak baloratuko ditu eta erabakiko du, hala badagokio, eskabidea deialdian onartu behar den. Nolanahi ere, deialdian parte hartzeko salbuespen egoera behin baino ez da onartuko.
  - Semea edo alaba jaio dela edo semea edo alaba zaindu dela egiaztatzen bada eszedentzia kasuetan, adopzio kasuetan edo adopziorako zaintzaren edo harrera iraunkorren kasuetan, betiere jaiotza data edo, hala badagokio, ebazpen judizial edo administratiboaren data 2018ko urtarrilaren 1etik 2020ko abenduaren 31ra bitartean gertatu bada, biak barne, doktoregora sartzeko unibertsitate titulua 2018ko urtarrilaren 1etik (barne) aurrera lortu ahal izango da.

- ii. **Unibertsitate tituludunen** kasuan, baldin eta **ebaluazio positiboaz** gainditu badu, gutxien dela, **bi urtetako** prestakuntza osasun zientzien espezialitateetako bateko titulu ofiziala lortzeko programa batean, aldez aurretik **osasun prestakuntza espezializatuko plazak** lortzeko gainditu beharreko proban prestakuntzarako plaza lortuta. Prestakuntza urte bi horien amaierak 2021ko urtarrilaren 1etik aurrerakoa izan behar du, berori barne.
- iii. **Doktoregora sarbidea ematen duen titulu baten azken ikastaroan aritzea.** Pertsona horiek 2024-2025 ikasturteko matrikula egiteko ezarritako epean bete beharko dituzte doktoregora sartzeko baldintzak. Dokumentazioa aurkezteko honako deialdi honetako 6.1 oinarrian ezarritakoari jarraitu beharko zaio.

Datei dagokienean, aintzat hartuko da doktoregorako sarbidea ematen duen lehenengo titulazioa noiz lortu den.

3.1.b. **6,5** puntutako batezbestekoa behar da izan lizentziatura edo, doktoregorako sarrera titulu moduan aurkeztutako graduako espediente akademikoan. Gutxieneko nota hori 6 puntutara jaitziko da batez besteko nota 6,5 puntutatik beherakoa duten titulazioen kasuan, II. eranskinetako datuen arabera.

Espediente akademikoaren batez bestekoa kalkulatzeko, doktoregora sartzeko titulutzat aurkeztutako lizentziatura edo besterik ez da kontuan hartuko, beste espezialitate batzuetako irakasgaietan lortutako notak eta masterreko ikasketetako notak aintzat hartu gabe.

Honela, 3.1.a.iii puntuari adierazitako kasuan, eskatzailea Espainiako gradu titulu ofizialaren azken urtea egiten ari bada eskaera egiteko unean, espedientearen batez besteko nota kalkulatzeko, orain arte aurkeztutako espedienteko notak erabiliko dira, betiere, gutxienez 240 kreditu beteta baditu.

Espediente akademikoak 1 eta 10 arteko batez besteko nota jasoko ez balu, espediente akademikoaren batez bestekoa kalkulatu egingo da irakasgai bakoitzean lortutako zenbakizko kalifikazioa biderkatuz irakasgai bakoitzaren kreditu kopuruarengatik eta lortutako produktu guztiak batu eta kalifikazioaz gainditutako kredituen gutzirako kopuruarengatik zatituz.

Unibertsitateak kalifikatu ez baina baliokidetu edo egokitu dituen irakasgaien kasuan, jatorrizko ikasketetan edo ikastegian lortutako kalifikazioak konputatuko dira, beti ere dokumentalki egiaztatuta. Dokumentalki egiaztatu ezin balira, nahiko kalifikazioaz gainditu direla ulertuko da.

Ikasketak atzerrian egin dituzten eskatzaileen kasuan, ANECA Kalitatea Ebaluatu eta Egiaztatze Agentzia Nazionalaren ziurtagiri ofizialean agertzen den espediente akademikoaren batez bestekoa hartuko zaie aintzat.

3.1.c. Doktorego tesia egingo deneko **doktorego programan aurretiko izena eman** izana. Ikerketaren arloko Errektoreordetzak ofizios egiaztatuko du eskatzailearen behin betiko onarpena doktorego programan, onartuen eta baztertuen behin betiko erabakia argitaratu aurretik. Une horretan baldintza hori betetzen ez duten pertsonak deialditik kanpo geratuko dira.

Salbuespen gisa, doktoregora sarbidea ematen duen titulu baten azken urtean ari diren pertsonak, baldin eta 2024-2025 ikasturteko matrikula egiten badute ezarritako epe ofizialaren barruan (Oinarria 3.1.a.iii), 2. faserari igaroko dira. Pertsona horiek behin betiko onartuak izateko baldintza hori bete beharko dute.

3.1.d. **II. modalitatearen** kasuan, egiaztatu euskararen jakite mailaren C1 maila ziurtatua edo doktorego programa doktoregorako bidea ematen duen titulazioa euskaraz egin izana.

Aurreko **baldintza guztiak** betetzen ez dituzten edo legezko epean eta eran egiaztatzen ez dituztenak hautaketa prozesutik at geratuko dira.

3.2. Eskatzaileek **baldintza guztiak beteta** izan beharko dituzte **kontratua sinatzerakoan:**

3.2.a. Europar Batasuneko herritarrak ez diren pertsonen kasuan, Espainian lan egiteko aurretiazko administrazio baimena izatea, ekintzaileei eta haien nazioartekotzeari laguntzeko irailaren 27ko 14/2013 Legean xedatutakoaren arabera.

3.2.b. Eskabidean agertzen diren tesi zuzendariekin batera UPV/EHUko doktorego programan matrikulatuta egotea.

3.2.c. **III. modalitate**arako, bi erakundeetako doktorego-araudia betetzea eta, bereziki, lehenengo urtean eta aldi berean UPV/EHUko eta **Bordeleko Unibertsitateko** doktorego programan matrikula egitea edo egin izana, eskabidean adierazitako tesi zuzendariekin.

3.2.d. IV. modalitatera, bi erakundeetako doktorego arautegia betetzea eta eskaeran adierazitako tesi zuzendariekin UPPAren doktorego programan matrikulatuta egotea.

**Baldintza horietako guztiak ez egiaztatzea laguntza ukatzeko arrazoia izango da.** Eskatzailearen ardura izango da aipatutako programan sartu eta onartzeko eskaria egitea, doktorego eskolak horretarako adierazitako epeetan eta forman.

3.3. Ezin izango dira eskatzaile izan, ez eta deialdi honen bidez sustatzen den kontratazioan sartu ere, honako egoera hauetakoren batean dauden pertsonak:

- a. Doktore titulua izatea, Espainiako edo atzerriko edozein unibertsitatek emanda.
- b. Eskabidea aurkeztu aurretik doktorego aurreko kontratua 3 urte baino gehiagorako baliatu badute, salbu eta desgaitasuna duten langileentzat Lege honetako Irailaren 5eko 17/2022 Legearen 21.c artikuluan jasotzen diren salbuespenetan, Zientzia, Teknologia eta Berrikuntzari buruzko ekainaren 1eko 14/2011 Legea aldatzen duena.

#### **4. oinarria. TESI ZUZENDARI KIDEEN BALDINTZAK**

4.1. Eskari bakoitzak, gehien dela, hiru tesi zuzendariren bermea izan beharko du, zer modalitatetan parte hartzen duen kontuan hartuta:

- a. **I eta II. modalitateak:** Gehien dela, hiru tesi zuzendari izan ahal dituzte, 4.2. oinarriko baldintzak bete behar dituztenak.
- b. **III. modalitatea:** Gehienez ere bi tesi zuzendari izan ditzakete. Tesi zuzendari batek UPV/EHUkoa izan behar du nahitaez, eta beste tesi zuzendariak Bordeleko unibertsitatekoa. UPV/EHUko tesi zuzendari kideak 4.2. oinarriko baldintzak bete beharko ditu.
- c. **IV. modalitatea:** Gehienez ere bi tesi zuzendari izan ditzakete. Tesi zuzendari batek UPV/EHUkoa izan behar du nahitaez, eta beste tesi zuzendariak UPPAkoa. UPV/EHUko tesi zuzendari kideak 4.2. oinarriko baldintzak bete beharko ditu.

4.2. Tesi zuzendari kideak ondoko baldintza hauek bete beharko ditu **eskaria egiten denean**.

- a. Tesi zuzendarietako batek, gutxienez, bete beharko ditu jarraian zerrendatzen diren baldintza **guztiak**:
  - i. UPV/EHUrekiko kontratu lotura, funtzionarial zein lan lotura, eskaria agertzeko unetik eta laguntza gauzatzeko tarte edo epe osoan zehar.
  - ii. Doktorego tesia garatuko deneko UPV/EHUko doktorego programako irakasleetako bat izatea, edo doktorego programako batzorde akademikoaren erantzukizunpeko adierazpen bat izatea, doktorego programako irakasleak izan ahal izateko ezarritako baldintzak betetzen dituela egiaztatzeko, eta, eskatzaileari beka emanez gero, dagokion programako irakasle gisa onartzeko izapideak egingo dituela 30 egun naturaleko epean, deialdiaren behin-behineko erabakia argitaratu eta hurrengo egunetik zenbatzen hasita.
- b. Gainerako zuzendariek ere, zein bere prozeduraz zuzentzen diren tutorekideen kasuan izan ezik, doktorego-programako irakasleen parte izan beharko dute, edo, bestela, dagokion batzorde akademikoak tesi-zuzendari gisa onartu beharko ditu, 30 egun naturaleko epean, deialdiaren behin-behineko erabakia argitaratu eta hurrengo egunetik aurrera.

**Tesi zuzendariak ezin emango dio abala eman deialdi honetan eskari bati baino gehiagori.** Egoera hori hatzemanda, eskatzaileak 7.2 oinarrian aurreikusitako eskabideak zuzentzeko epea izango du tesi zuzendari berri bat proposatzeko. Zuzendari horrek deialdian eskatzen diren baldintza guztiak bete beharko ditu eskabideak aurkezteko unean.

Eskatzaileak lehengo tesi zuzendari kidea agertuko luketen dokumentu guztiak eguneratu eta aurkeztu beharko ditu, behin betiko zuzendariaren datuak jasota.

Baldintzak betetzen ez dituen beste tesi zuzendari bat proposatuz gero, ezin izango da zuzendu, eskaria baztertzeko zioa izanik.

Eskatutako baldintza guztiak betetzen ez dituzten edo legezko epean eta eran egiaztatzen ez dituzten zuzendarikideen eskariak hautaketa prozesutik at geratuko dira. Era berean, IAEk ofizioaz gainbegiratu du, zuzentzeko epea amaitu ondoren, baldintza hauek betetzen diren eta, ezezkoan, eskaria bertan behera utzi ahal izango da.

Eskatzaileak egiaztatu ahal izango du proposatutako zuzendari kideak beraiek hautatutako doktorego programan ari diren honako esteka honetan:

<https://www.ehu.eus/eu/web/doktoregoa>

## 5. oinarria. KONTRATUEN EZAUGARRIAK:

5.1. Honako laguntza kopuru hauek sartzen dira deialdi honetan kontratu gisa:

- a. I. modalitatea: gehienez, 45 kontratu emango dira.
- b. II. modalitatea: gehienez, 7 kontratu emango dira.
- c. III. modalitatea: gehienez, 5 kontratu emango dira.
- d. IV. modalitatea: gehienez, 3 kontratu emango dira.

Aurreikusi diren laguntzen kopurua aldatu ahal izango da emateko erabakian, aurrekontu baliabideen arabera eta laguntzen iraunaldi aldakorraren arabera.

III. Modalitatean plaza bi gordeko dira Mugaz Gaindiko Lankidetzaren Laborategiei (MGLL) lotutako eskaerentarako, baldin eta alde aurretik UPV/EHUren doktorego aurreko laguntzarik lortu ez badute.

Emandako laguntza guztietatik berariazko hamar laguntza gordeko dira, gehienez, honako jakintza arlo hauen artean banatzeko: Pintura; Irudigintza; Eskultura; Hizkuntzaren eta Literaturaren Didaktika; Matematikaren Didaktika; Didaktika eta Eskola Antolaketak; Musika Adierazpenaren Didaktika; Adierazpen Plastikoaren Didaktika; Gizarte Zientzien Didaktika; Bilakaeraren eta Hezkuntzaren Psikologia; Erizaintza; Finantza Ekonomia eta Kontabilitatea, **Ingeniaritza Elektrikoa** eta **Itsasketa Zientzia eta Teknikak**. Eskaera horiek lau modalitateetara irekita egongo dira eta ez da laguntza bat baino gehiago gordeko jakintza arlo bererako zerrendatuen artean. Arlo espezifiko horietako batean, lau modalitateetako edozein dela, eskabidea aurkeztu duen pertsonak eskabidean adierazi beharko du. Doktorego tesiaren proiektuak hautatutako arlokoa izan beharko du ezelako zalantzarik gabe, eta arlo horretan ebaluatuko da. Eskaera kupo orokorrera aldatzeko ahalmena izango du Ikerketa Kudeatzeko Zuzendaritzak, eskaeraren ezaugarriek hala gomendatzen dutela uste badu. Hamar laguntza espezifiko horietakoren bat hutsik geratzen bada, kupo orokorrera pasatuko da.

Gutxien dela, laguntza guztietatik hiru (3) gordeko zaizkie % 33ko desgaitasuna edo handiagoa dutela egiaztatzen duten pertsonen, baldin eta tesi zuzendariaren txostenaren bidez egiaztatzen badute 1. oinarrian ezarritako lanarekin bateragarria dela. Ziurtagiri hori eskabidean aurkeztutako hasierako dokumentazioan sartu behar da.

Aurreko hiru paragrafoetan (LKLrekiko lotura, arlo espezifikoak eta desgaitasuna) aipatutako plazen erreserba egin ahal izateko, deialdian ezarritako baldintza guztiak bete beharko dira eta gainerako eskabideen ebaluazio prozedura bera jarraituko dute. Zehazki, laguntza eman ahal izateko, ebaluazioaren azken fasera iritsita egon beharko dute, eta eskatutako gutxieneko puntuazioa gainditu, ebaluazio irizpideen arabera (7.5 oinarria).

Zientziaren arlo handien arabera azken banaketak gutxienez laguntza guztien bost kontratu bermatuko ditu zientziaren bost arlo handietarako (Zientziak, Ingeniaritza eta Arkitektura, Osasun Zientziak, Gizarte eta Lege Zientziak, Arteak eta Giza Zientziak) lau modalitateetan eskainitako, **banaketa horretan aurrez aipatutako plaza erreserbak sartuko direlarik**. Erreserbatutako 5 laguntza hauetatik hiru zuzenean emango dira, baldin eta ebaluazio irizpideen arabera eskatutako gutxieneko puntuazioa gainditzen badute (7.5. oinarria). Erreserbatutako beste bi laguntzak (laugarrena eta bosgarrena) esleitzeko, 7.5. oinarrian eskatzen den gutxieneko puntuazioa ere gainditu beharko dute, eta, gainera, gutxieneko hori gainditzen duten eskaeren % 10 gutxienez egon beharko dira dagokion zientzia arloan. Gainerako laguntzak ebaluazioan lortutako puntuazioaren arabera emango dira, zientziaren arloa edozein dela ere, eta eskatutako modalitatearen arabera estratifikatuta.

5.2. Eskainiko den lan kontratua ZTBLren 21. artikulua arautuko du. Kontratututako pertsonala prestakuntzan dauden doktorego aurreko ikertzailetzat hartuko da.

5.3. Kontratututakoa, beraz, UPV/EHUren sail, institutu edo guneren bati atxikiko zaio, doktorego tesia bertan egingo duelarik.

5.4. Laguntza hau baliatzeko, **gutxienez hiru hilabeteko ikerketa egonaldia egin beharko da atzerrian, modu jarraituan**. Egonaldi hori **doktorego aurreko kontratuaren lehenengo hiru**

**urteetan** egin beharko da, eta nazioarteko doktoregoaren aipamena lortzera bideratuta egongo da. III. eta IV. modalitateen kasuan, egonaldia tutorekidetza berekoak ez diren beste herrialde batean egin beharko da.

5.5. Kontratua arduraldi osokoa izango da eta urtebetetik gora iraunen du. Era berean, kontratua ezin joan daiteke lau urtetatik gora. Bigarren eta hirugarren urteko luzapenak urtero egingo dira, betiere kontratuaren onuradunak doktorego programan jarraitzen badu. Onuradunak 5.4 oinarrian eskatutako ikerketa egonaldia egin beharko du, bestela ezin izango da luzatu laugarren urteaz.

Pertsona bat kontratatzen denean % 33ko desgaitasunaz edo handiagoaz, beste luzapen bat egiteko aukera baloratuko da, gehienez ere, ZTBLk kontratu modalitate horretarako ezartzen duen mugaraino.

Doktorego programan urtero matrikula formalizatzea eta eskabidean adierazitako tesi zuzendariaren aldeko txostena ezinbestekoa izango da kontratua luzatzeko. Ez da, inola ere, programa aldaketarik onartuko luzapena egiteko.

Kasu guztietan oro, kontratuaren aurrerantzeko luzapenak aurrekontu erabilgarria edukitzearen menpe egingo dira.

5.6. UPV/EHUk ezin izango du inor kontratatu mota honetako kontratuen bidez lau urtetatik gora, beti ere zenbatuta beste erakunderen batean kontratu modalitate honen bidez izandako aldia, salbu eta 5.4. oinarriaren 2. paragrafoan aurreikusitakoa.

5.7. Aldi baterako lan ezintasunak, haurdunaldiko arrisku egoerak, amatasunak, umeen adopzioa edo harrerak, edoskitzaroko arrisku egoerak eta aitatasunak gelditu egingo dute epearen zenbaketa kontratuaren iraupenari dagokionez.

5.8. Ikerketaren arloko errektoreordeak eten ahal izango dio beka interesatuari sei hilabetez gehienez ere, bekadunak horretarako eskari arrazoitua eginez gero. Hori eginez gero, etenaldi hori ezingo da berreskuratu eta laguntza ebazpenean ezarritako epean amaituko da. Laguntzaren etenaldian zehar baja emango da Gizarte Segurantzari. Etenaldiaren ondoren laguntza berriz jasotzeko izapideak egin ezean, bekari uko egin zaiola ulertuko da eta kontratuaren behin betiko amaiera eragin lezake.

5.9. Deialdi honetarako formalizatzen diren kontratuen ordainsaria Zientzia, Teknologia eta Berrikuntzari buruzko Legearen 21. artikulua eta prestatzen ari diren doktorego aurreko ikertzaileen estatutua onartzen duen martxoaren 1eko 103/2019 Errege Dekretuak arautuko dute. Horrez gain, kontuan hartuko da UPV/EHUko Irakasle eta Ikertzaileen Akordioan xedatutakoa, non egokitzen baita aldi baterako ikertzaileen arautegia da, doktorego aurreko kontratuaren eta zientzia, teknologia eta berrikuntzako Espainiako sistemara sartzeko kontratuaren modalitatean (Gobernu Kontseiluaren 2021eko abenduaren 16ko erabakia).

5.10. Deialdi honen bidez aukeratutakoek ez dute UPV/EHUrekin lan kontratu harreman egonkorrik izango eta aldi baterako kontratu harreman hori kontratuaren iraupenari dagokion aldia igarotakoan amaituko da edo 15. oinarrian ezarritako beste edozein arrazoi gertatzerakoan.

## 6. oinarria. ESKARIAK AURKEZTEKO EPEA

### 6.1. Eskaria aurkezteko tokia eta era.

Deialdi honetara aurkeztu behar den dokumentazioa hiru bidetatik aurkeztu ahal izango da:

AURKEZTEKO ERA	OHARRAK
a) <b>Lehenespenaz</b> , UPV/EHUko erregistro elektronikoa, <a href="https://egoitza.ehu.es/es/registro-electronico">https://egoitza.ehu.es/es/registro-electronico</a> URL helbidean, lehenik eta behin, eskabidearen 'norako' atalean, Ikerketaren arloko Errektoreordetza aukeratuz, eta, bigarrenik, "Ikerketa Kudeaketa, Giza baliabideak (U02000381)", zehaztu behar delarik 'Eskatzen du' atalean "PREDOC 2024".	Eskatzaileak deialdian ezarritako eskabide inprimakia aurkeztu beharko du, behar bezala beteta, bai eta bertan eskatutako gainerako dokumentazioa ere.  Sinadura bat edo gehiago behar dituzten dokumentu guztietan, sinadura horiek <b>elektronikoak</b> izan beharko dute <b>beti</b> , eta <b>aitortutako ziurtagiri</b> baten bermea izan beharko dute.

b) Posta bulegoetan, "Zure dokumentuak berehala erregistratu eta herrialdeko administrazio publikoetara bidaltzeko" ORVE zerbitzuaren bidez.	Sinadura bat edo gehiago behar dituzten dokumentu guztietan, jatorrizkoak izan beharko dute <b>beti (eskuz eginak)</b> . Posta bulegoko edo sektore publikoko edozein erakunderen erregistroen arloko laguntza bulegoetako arduradunak eskaera digitalizatuko du, eta "Giza baliabideen ikerketa kudeatzea ( <b>U02000381</b> )" unitate izapidegilearen bidez bidaliko du, " <b>PREDOC 2024</b> " erreferentziarekin.
c) Sektore publikoa osatzen duen edozein erakundetako erregistroetarako arreta bulegoetan.	Bi aurkezpen bideotan (b eta c) <b>PEN DRIVE</b> bat erantsiko da, aurkeztutako dokumentazio guztia PDF formatuan eskaneatuta, eta UPV/EHUko Ikerketaren arloko Errektoreordetzara bidaliko da (Sarriena auzoa z/g, 48949 Leioa).

Salbuespen gisa, eta **Espainiako lurraldean bizi ez diren** hautagaiek ez beste inork aurkeztu ahal izango du eskabidea posta elektronikoz (deialdiaren 6.2 oinarrian eskatutako dokumentazio guztia, PDF formatuan), [solicitudes-pif.dgi@ehu.eus](mailto:solicitudes-pif.dgi@ehu.eus) helbidera bidaliz, gaian "PREDOC 2024" adierazita. UPV/EHUko pertsonalak esku hartzen duen dokumentu guztien sinadurak **elektronikoak** izan beharko dira **beti**, eta **aitortutako ziurtagiri** baten bermea izan beharko dute.

Eskatzaileak Espainiako lurraldean bizi direlarik, bide horretatik jasotzen diren eskaerak "aurkeztu ez direla" ulertuko da, eta automatikoki geratuko dira prozesutik kanpo.

Hautagai berak eskabide bat baino gehiago egiten badu, deialdian ezarritako epearen barruan aurkeztutako azken eskaera hartuko da kontuan, ez besterik.

## 6.2. Beharrezko dokumentazioa:

- a. **Eskarria**, eskura daitekeen eredia erabiliz. Dokumentu hori eskaeraren osagaitzat eta gutxieneko edukitzat hartuko da, eta, beraz, eskatzaileak ezin izango du hura aldatu aurkeztu ondoren. Berori epean eta forman aurkeztu ezean, deialditik at uzteko arrazoia izango da.

Eskabidea 5.1 oinarrian zerrendatutako arlo espezifiko batera aurkezten bada, argi eta garbi adierazi behar da hori eskabide inprimakian.

Edozein delarik hautatu nahi den modalitatea, eskabide inprimakian nahitaez bete beharko da doktorego tesirako ikerketa proiektua edukitzen duen GIHari dagokion atala. GIHen katalogoa deialdi honen I. ERANSKINEAN dago jasota. Atal hori betetzen ez bada, edo gaizki betetzen bada, eskabidea zuzendu beharko da.

Eskabidea **ingelesez** aurkeztuko da **lehentasunez** PDF formatuan, baina EAEko hizkuntza ofizialetako edozeinetan ere aurkeztu ahal izango da, euskaraz eta gaztelaniaz.

- b. **Proiektuaren memoria**, eskuragarri dagoen eredu normalizatuaren arabera sinatuta aurkeztu beharko dena. Dokumentu hori eskaeraren osagaitzat eta gutxieneko edukitzat hartuko da, eta, beraz, eskatzaileak ezin izango du hura aldatu aurkeztu ondoren. Berori epean eta forman aurkeztu ezean, deialditik at uzteko arrazoia izango da.

Proiektuaren memoria **ingelesez** aurkeztuko da **lehentasunez** PDF formatuan, baina EAEko hizkuntza ofizialetako edozeinetan ere aurkeztu ahal izango da, euskaraz eta gaztelaniaz. 2. modalitatearen berriazko kasuan, 7.1 oinarriko 5. atalean aipatutako puntuazioa lortzeko, memoria euskaraz aurkeztu beharko da.

- c. Doktorego tesia garatuko deneko **doktorego- programan aurretiko izena** eman izanaren **egiaztagiria**.

- d. **Doktoregora sarbide ematen duen titulazio edo titulazioetako ziurtagiri akademiko pertsonala**, non lortutako kalifikazio guztiak eta horiei dagozkien datak agertzen diren. Kasuan kasuko ikasketak UPV/EHU<sup>n</sup> egin dituzten hautagaiek ez dute dokumentu hau agertu beharrik.

Oro harturik, ziurtagiriak agertu behar du eginiko irakasgai eta kredituek osatzen dutela titulazio osoa. Titulazioa osatu gabeko ziurtagiria aurkeztu ahal izango dute 3.1.a.iii oinarrian



deskribatutako egoerari heltzen dioten eskatzaileek, betiere uneko kredituen gutzitza titulazio osoarekin bat badator eta gauditutako kredituen kopurua 240 baino handiagoa bada.

Atzerrian zatika edo osorik egindako ikasketen kasuan, gainera, atzerrian egindako unibertsitate titulazioen **batez besteko nota baliokidearen ziurtagiria** aurkeztu beharko da, Hezkuntza eta Lanbide Hezkuntzako ministerioak emana. Agiri hau ondoko esteka honen bidez eskura daiteke:

<https://sede.educacion.gob.es/sede/login/inicio.jjsp?idConvocatoria=818>

- e. **Eskatzailearen curriculum vitae normalizatua (CVN), PDF formatuan eta ingelesez.** Eskatzaileek online editatu ahal izango dute <https://cvn.fecyt.es/editor/> estekari klik eginez. Aplikazio honen funtzionamendu honi buruzko kontsulta teknikoak [cau.editor.cvn@fecyt.es](mailto:cau.editor.cvn@fecyt.es) helbidera bidali beharko dira.
- f. Desgaitasuna duten pertsonentzat gordetako kupoaren bidez sartzen diren pertsonak, **% 33ko edo gehiagoko desgaitasun maila egiaztatzen duen ziurtagiria** aurkeztu beharko dute, bai eta zuzendari zientifikoaren txostena ere, 1. oinarrian ezarritako egin beharreko lanarekin bateragarria dela ziurtatzen duena.
- g. **Familia Liburuaren fotokopia**, 3.1.a.i oinarriko bigarren atalean aipatutako salbuespenari helduz gero.
- h. **Especialitatearen tituluaren edo ziurtagiri ofizialaren kopia**, 3.1.a.ii oinarrian deskribatutako bidea erabiliz sarbidea eskatuz gero.
- i. Hala balegokio, **hizkuntzen** jakite maila egiaztatzen duen **ziurtagiria (soilik B2, C1 edo C2 mailak)**.
- j. Hala balegokio, **euskararen** jakite maila egiaztatzeko **ziurtagiria (B2, C1 edo C2 mailak besterik ez)**. Euskaraz egindako ikasketa ofizialak aintzat hartzeko eta euskara maila hizkuntza tituluen eta ziurtagirien bidez egiaztatzen salbuesteko apirilaren 3ko 47/2012 dekretuak eragindako baliokidetzen kasuan, eskatzaileak dagokion ziurtagiria ere aurkeztu beharko du.
- k. Hala balegokio, **zuzendari gaztearen merezimendua eskuratzeko erantzukizunpeko adierazpena** (deialdiaren 7.1.6 oinarria), eskuragarri dagoen ereduaren arabera.
- l. II modalitatean, **eskatzaileak** eskabide-formularioan euskararen inguruan **alegatutako merezimenduak** egiaztatzeko dokumentazioa (C2, TFM eta/edo TFG euskaraz).
- m. II modalitatean, **euskararekin** lotutako **tesi zuzendariek** eskabide-inprimakian **alegatutako merezimenduak** egiaztatzeko dokumentazioa (C1 edo C2, euskarazko tesi zuzendaritza, euskarazko zientzia-ekoizpena).
- n. III. eta IV. modalitateetan, **espainieraren edo euskararen jakite maila egiaztatzen duen ziurtagiria, Frantziako nazionalitatea eskatzen duen pertsonarentzat, eta frantsesa, Espainiako nazionalitatea duen pertsonarentzat (B2, C1 edo C2 mailak besterik ez)**. Beste nazionalitate batzuetako eskatzaileen kasuan, gaztelaniaren edo euskararen eta frantsesaren jakite mailaren egiaztatzea.
- o. Eskatzailearen erantzukizunpeko adierazpena, adieraziz ezen ez duela doktore titulurik eta ez duela aurrez doktorego aurreko kontraturik izan 3 urte baino gehiagorako, eskuragarri dagoen eredu normalizatuaren arabera, eta ez duela araututako ikasketarik egiten, edozein dela ere mateko modalitatea, aurrez aurrekoa edo urrutikoa.

Atal honetan eskaturiko dokumentazioa besterik ez da balioetsiko atal honetan. Beraz, ez da dokumentazio gehiagorik aurkeztu beharrik izango, eskatzaileen merezimenduak egiaztatzeko. **Eskabideak aurkezteko epearen azken egunera arte lortutako merezimenduak** onartuko dira baliozkotzat, ez besterik.

6.3. Eskabideak aurkezteko epea 2024ko ekainaren 3an hasiko da, eta 2024ko ekainaren 28an amaituko da, 13:30etan (Espainiar penintsulako ordua).

## 7. oinarria. ESKARIEN TRAMITAZIOA ETA EBALUAZIOA

### 7.1. Ebaluazio irizpideak.

Ebaluazio irizpideak hurrengo taulan zehazten dira.

Irizpidea	Modalitatea	Puntuak gehien jota	Oharrak
1. Espediente akademikoko batez besteko nota arautua (masterra kontuan hartu gabe)	I-II-III-IV	50 puntu	Nota normalizatzeko erabilitako prozesua III. eranskinan jasotzen da.
2. Hizkuntza jakitea (c)	I-II-III-IV	5 puntu	Adierazitako puntuazioa hizkuntza-maila egiaztatuz lortzen da, mailaketa honen arabera: <ul style="list-style-type: none"> <li>• C2 egiaztagiria eta baliokideak: 5 puntu</li> <li>• C1 egiaztagiria eta baliokideak: 4 puntu</li> <li>• B2 egiaztagiria eta baliokideak: 3 puntu</li> </ul> Egiaztagiri hauei dagokienez, azaroaren 9ko 297/2010 Dekretuan ezarritako baliokidetasunak hartuko dira kontuan, euskararen jakite maila egiaztatzen duten tituluak eta ziurtagiriak baliokidetu eta Hizkuntzen Europako Erreferentzi Marko Bateratuko mailekin parekatzekoa baita. <p>2. irizpidearen balioesteko, zehaztapen hauek hartuko dira kontuan:</p> <ul style="list-style-type: none"> <li>- I. eta II. modalitateetan, atzerriko edozein hizkuntza hartuko da kontuan, eskatzailearen jaioterria izan ezik, hori ez baita zenbatuko.</li> <li>- III. eta IV. modalitateetan, edozein hizkuntza hartuko da kontuan, frantsesa eta gaztelania izan ezik. Euskara kontuan hartuko da irizpide honetan, baldin eta 5. irizpidean kontuan hartu ez bada.</li> </ul> <p>4. irizpidea baloratzeko, eta espainiar edo frantziar nazionalitatea ez duten pertsonen kasuan, frantsesa, gaztelania eta/edo euskara jakitea hartuko da kontuan; beste hizkuntza batzuen ezagutza, berriz, 2. irizpidean zenbatuko da, jaioterria izan ezik, ez baita zenbatuko.</p>
3. Euskara maila (c)	I	5 puntu	
4. Frantses maila nazionalitate espainiarra duten eskatzaileei edo euskara edo gaztelaniaren maila nazionalitate frantsesa duten eskatzaileei.	III-IV	5 puntu	
5. Euskararen arloan egindako ekarpenak (d)	II	5 puntu	Irizpide honen ebaluazioa euskara batzordeak egingo du, honako baremo hauek aplikatuta: <ul style="list-style-type: none"> <li>• Eskatzailearen merezimenduak: C2, MAL eta/edo GRAL euskaraz. 2 puntu gehienez</li> <li>• Doktorego tesiaren zuzendarien merezimenduak: C1 edo C2, euskarazko tesien zuzendaritza, euskarazko ekoizpen zientifikoa. 2 puntu gehienez</li> <li>• Euskarazko ikerketa proiektuaren hizkuntza kalitatea. 1 puntu, gehienez.</li> </ul>
6. Zuzendari gaztea	I-II-III-IV	5 puntu	Adierazitako puntuazioa lortzen da tesi-zuzendarietako batek, gutxienez, <b><u>baldintza HAUEK GUZTIAK</u></b> betetzen dituenean: <ol style="list-style-type: none"> <li>1. Aldez aurretik defendatutako doktorego tesi bat baino gehiago zuzendu ez izana. Erantzukizunpeko adierazpen baten bidez egiaztatu beharko da</li> </ol>

			<p>baldintza hori, eskuragarri dagoen eredu normalizatuaren arabera.</p> <p>2. UPV/EHUrekin lanaldi osoko kontratua izatea laguntza gauzatzen den aldi osoan.</p> <p>3. Gainera, 4.2.a.ii oinarrian ezarritako baldintzak betetzea.</p> <p>Betekizun horiek eskabideak aurkezteko unean bete beharko dira, eta erantzukizunpeko adierazpenak eskuragarri dauden eredu normalizatuaren arabera aurkeztuz egiaztatuko dira.</p>
<b>Subtotala</b>		<b>65 puntu</b>	
7. Ikerketa proiektuaren interes eta kalitatea zientifikoa	I-II-III-IV	30 puntu	<b>Proiektuaren memorian</b> zehaztutako edukiaren arabera, eskuragarri dagoen <u>eredu normalizatuaren arabera</u> .
8. Eskatzailearen curriculum	I-II-III-IV	5 puntu	Balioetsiko dira: <ul style="list-style-type: none"> <li>• Prestakuntza arautuan zehar atzerrian egonaldiak egitea</li> <li>• Lankidetzan aritzeko edo ikerketa jarduerak egiteko bekak</li> <li>• Ikerketa proiektuetan parte hartzea</li> <li>• CNEAlren irizpideen araberrako ekarpenak</li> </ul>
<b>Subtotala</b>		<b>35 puntu</b>	
<b>GUZTIRA</b>		<b>100 puntu</b>	

## 7.2. Ebaluaziorako onartutako eta baztertutako eskaeren behin-behineko zerrenda

Eskariak aurkezteko epea amaitu ondoren, IAEn IKZ-k aurkeztutako eskariak aztertuko ditu. Azterketa hori egin ondoren, IAEn onartutako eta baztertutako eskabideen zerrenda argitaratuko du bere webgunean, 1., 2., 3., 4., 5. eta 6. irizpideetan lortutako behin-behineko puntuazioekin batera.

Eskaerak aurkezteko epean zehar emandako dokumentazioa osoa ez balitz edo zuzen litezkeen erroreak edukiko balitu, IAEn eskatuko dio eskatzaileari 10 egunen epean osatu eta zuzen dezan. Okerren zuzenketa aurkeztu beharko dira 6. oinarrian deskribatutako bitartekoak erabilita.

Eskatzaileak ezin izango du ez hobetu ez ordezkatu lehenago aurkeztutako dokumentazioa eta eskaerak ezin izango dira inola ere berriro egin. IAEn eskatu ez duen dokumentaziorik ere ezin izango da aurkeztu.

## 7.3. Ebaluazio prozesua.

Ebaluazio prozesua bi fasetan egingo da, eta ebaluazio izapideak, gutxien dela, bi hilabete iraungo du.

Lehenengo fasean ofizios ebaluatuko dira 7.4 oinarrian aurkezten den taulan ezarritako 1., 2., 3., 4., 5. eta 6. irizpideak, guztira 65 puntu izanik. Lortutako emaitzak handienetik txikienera ordenatuko dira zientziaren 5 arlo handietarako (Zientziak, Ingeniaritza eta Arkitektura, Osasun Zientziak, Gizarte eta Lege Zientziak, Arteak eta Humanitateak). Antolamendu hori modu bateratuan egingo da 4 modalitateetako eskaerentarako. I. eta II. modalitateetara aurkeztutako eskaeren kasuan, eskatzaile bakoitzaren puntuaziorik onena aukeratuko da. Zientziaren bost arlo handietako bakoitzean, fase honetan puntuazio baxuenak (laugarren kuartila) dituzten eskaeren %25 ukatuko dira, baldin eta puntuazio hori 25 puntutatik beherakoa bada. Laugarren kuartilean egon arren 25 puntu edo gehiago dituzten eskabideak bigarren ebaluazio fasera igaroko dira, gainerako eskabideekin batera.

Zuzenketa aldian aurkeztutako dokumentazioa berrikusi eta lehenengo fasea ebaluatu ondoren, onartutako eta baztertutako eskabideen behin betiko zerrenda argitaratuko da, 1., 2., 3., 4., 5. eta 6. irizpideetan lortutako behin betiko puntuazioekin batera. Bertan behera utzi direla ulertuko da forman

eta epean zuzendu ez diren eskabideak eta merezimenduak. Berehala argitaratuko da lehenengo faseko ebaluazioaren emaitza.

Bigarren fasean, 7.4 oinarrian aurkeztu den taulan ezarritako 7. eta 8. irizpideak ebaluatuko dira, guztira 35 puntu direla. Irizpide horien ebaluazioa kanpo prozesu baten bidez egingo da, Unibasq-Euskal Unibertsitate Sistemaren Kalitate Agentziaren edo antzeko ezaugarriak dituen kanpoko agentziaren bidez.

Ebaluatzaileek euskararik ez balekitez, IAEk euskaraz aurkeztutako eskabideak gaztelaniara edo ingelesera itzultzeko enkargua egingo du. Itzulpena jaso eta gero, posta elektronikoz helaraziko zaio eskatzaileari, eskarian adierazitako helbide elektronikoaren bidez. Bost egun balioduneko epea izango du eskaria berrikusteko eta ados dagoela adierazteko. Epe hori igarota, eskatzailea ados dagoela ulertuko da. Epe hau kontatzeko, aintzat hartuko da postaren gestoreak mezu elektronikoa ematerakoan emititzen duen egiaztagiria.

Bigarren fasera igaro diren eskabideen puntuazio osoa lortzeko, eskatzaile bakoitzari lehenengo fasean egindako ebaluazioaren guztizkoa eta bigarren fasean lortutako ebaluazioaren guztizkoa batuko zaizkio. Ebaluazioaren emaitzak Ikerkuntza, Garapen eta Berrikuntzarako batzordeari (IGBB) bidaliko zaizkio; horrek dagokion esleipen proposamena aurkeztuko dio Ikerketaren arloko errektoreordeari, behin-behineko ebazpena eman eta argitara dezan.

Laguntza deialdiko lau modalitateetako edozeinetan lortuko bada, eskabideak **gutxienez 40 puntu** lortu beharko ditu bigarren fasearen ondoren.

Eskatzailearen batzuen berdinketa gertatuz gero azken puntuazioan, honako irizpide hauen arabera ordenatuko dira eskariak, hurrenez hurren, berdinketa hautsi arte:

- a. espediente akademikoaren batez besteko nota arauturik altuena lukeen eskaria lehenetsiko da (1. irizpidea).
- b. Lehenetsi egingo da 7. irizpidean puntuaziorik altuagoa lortu duen eskaria.
- c. Lehenetsiko da deialdi honetan arrakasta tasarik txikiena lukeen zientziaren arloari legokiokeen eskaria (arrakastaren %a eskariko, zientzia arlo bakoitzean).

#### **7.4. Behin-behineko ebazpena.**

IAEk behin-behineko ebazpenaren proposamena egingo du, bere webgunean argitaratuko dena, eskatzaile guztiek lortutako behin-behineko puntuazioa adieraziz.

Hautagaiek eskariaren ebaluazio txostena eskatu ahal izango dute [solicitudes-pif.dgi@ehu.eus](mailto:solicitudes-pif.dgi@ehu.eus) helbide elektronikora bidalitako mezuaren bidez.

Interesdunek 10 lanegunen epea izango dute egoki leritzeketen alegazioak aurkezteko. Aipatu epean alegazio espresik jaso ezean, proposamenak onartutzat joko dira eta alegatzeko eskubidea bertan behera geratuko da.

#### **7.5. Behin betiko ebazpena.**

Epea hau iraganik, IAEk aurkeztutako alegazioak helaraziko dizkio IGBBri, bertan azter daitezene eta, ondorioz, behin betiko ebazpena egiteko proposamena helaraziko dio Ikerketaren arloko Errektoreordetzari.

Kontratua emateko edo ukatzeko behin betiko ebazpena IAEn webgunean argitaratuko da, eta argitalpen horrek interesdunei jakinarazpena egiteko balio izango du.

#### **7.6. Behin betiko ebazpenaren aurkako errekurtsioak.**

Behin betiko erabakiak administrazio bidea agortzen du eta honako bide hauek daude beraren kontra egiteko, baina inola ere aldi berean erabilia:

1.- Lehenengo eta behin, aukerako berraztertze errekurtsioa aurkez dakioke erabakia eman duen organoari berari hilabeteko epean, banakako jakinarazpena jaso eta biharamunetik kontaktatu hasita.

Administrazio errekurtsio hori jarriz gero, eta errekurtsio jarri eta hilabeteko epean erabaki adierazirik jaso ezean, errekurtsioa isiltasun negatiboagatik ezetsi dela ulertuko da. Horrela gertatuz gero, hurrengo atalean adierazitako auzibidera jotzeko aukera egongo da.

Kasu horretan, administrazioarekiko auzi errekurtsua jartzeko epea sei hilabetekoa izango da, errekurtsua ezetsizat joa izan den egunaren biharamunetik kontatzen hasita (Administrazioarekiko Auzien Jurisdikzioa arautzen duen uztailaren 13ko 29/1998 legearen 46. artikulua).

2.- Zuzenean, administrazioarekiko auzi errekurtsua jar daiteke Bilboko administrazio auzietako epaitegietan. Horretarako, bi hilabeteko epea dago, erabaki honen banakako jakinarazpena jaso eta biharamunetik hasita (uztailaren 13ko 29/1998 Legea, Administrazioarekiko Auzien Jurisdikzioa arautzen duena, 8.3 eta 46. artikulua).

## **8. oinarria. KONTRATUA FORMALIZATZEA**

8.1. Kontratuak formalizatu baino lehen, kontratazioen adjudikatarioek laguntza lortzeko alegatu dituzten betebeharrak eta merezimenduen egiazkotasuna agertu beharko dute. Egiaztatu ezin balute, Ikerketaren arloko Errektoreordetzak laguntza ukatzeko ebazpena emango du.

Dokumentazio hau agertzeko epea eman eta ezetsitako laguntzen behin behineko ebazpenean adieraziko da.

Kontratuen adjudikaziodunek dokumentu hauek aurkeztu behar dituzte IAEn:

- a. Indarrean dagoen NAN, AIZ edo pasaportearen fotokopia **PDF formatuan**.
- b. Eskabidean adierazitako doktorego programako matrikula agiria, edo III. eta IV. modalitateetako programak.
- c. Deialdi honen esleipendun izateko betebeharrak onartzen dituen agiria, tesiaren zuzendarien eta saileko, institutuko edo atxikitze guneko zuzendariaren oniritziarekin.
- d. Identifikazio fitxa, datu pertsonalak, bankukoak, eta Gizarte Segurantzako afiliazio zenbakia dituenak.
- e. Zinpeko aitortza, non interesatuak adierazten duen inoiz kontrataturik egon ez dela Zientzia, Teknologia eta Berrikuntzaren 14/2011 Legeko 21. artikuluan aurreikusitako doktorego aurreko kontratu modalitatearen bidez, eta, egon baldin bada, zenbat egunez.
- f. Lanean hasi izanaren ziurtagiria.
- g. Ikerketa jarduerak gizakiak, hauen datuak eta laginak, ikerketarako animalia-ereduak edo agente biologikoak edo GEOak erabiltzen baditu, eskatzaileak konpromiso bat aurkeztuko du, zuzendaritzako arduradunak sinatua, dagokion batzordearen aldeko txostena lortzeko, ikerketa-jarduera hasi aurretik. Laguntza eman ondoren, eta jarduera hasi aurretik, kasuan kasuko etika batzordearen aldeko txostena aurkeztu beharko da IKZren aurrean.

### **Eskatutako agiriak epe barruan aurkezten ez badira, kontratuaren formalizatzeari uko egiten zaiola ulertuko da.**

8.2. Kontratuak formalizatzeko eta sail, institutu edo ikastegietan sartzeko data deialdia ebazten duen behin betiko ebazpenean adieraziko da.

Esleipenduna ez balitz agertuko adierazitako egunean kontratua sinatzeko ekitaldira edo sail, institutu edo ikergunean lanean hasiko, ulertuko da kontratuari uko egiten diola.

8.3. Salbuespenezko eta behar bezala justifikatutako kasuetan, Ikerkuntzarako errektoreordeak baimena eman dezake hasteko eguna gehienez hiru hilabetez atzeratzeko. Atzeratzeko eskaria 8.1 oinarrian ezarritako epearen barruan aurkeztuko da.

8.4. Eskaria ebaluatzean kontuan hartu diren baldintzak aldatzen badira, alta emateko tramitea eten egingo da, edo hala dagokionean, kontratua deuseztatu egingo da.

8.5. Kontratua sinatzen denetik gehienez ere 6 hilabeteko epean, IKZk ofizioz egiaztatuko du onuraduna benetan matrikulatu dela eskarian adierazitako doktorego programan edo programetan, III. eta IV. modalitateetan, bai eta eskarian bertan adierazitako tesien zuzendariak, azkenik, bertan direla ere. IAE-k ofizioz eta 6 hilabeteroko maiztasunaz baldintza hau betetzen duen ikuskatuko du, kontratuak dirauen bitartean. Bi betebeharrak hauetakoren bat bete ezean, kontratua atzera botatzeko arrazoitzat hartuko da.

## **9. oinarria. KONTRATATUTAKO LANGILEEN ESKUBIDEAK**

9.1. Prestakuntza bidean dauden ikertzaileek eskubidea dute txertatzen direneko sail, institutu edo guneen laguntza eta sostengua jasotzeko, hauen baliabideen neurrian, beren ikasketak eta ikerketak egiteko.

9.2. Kontrataturako unibertsitateko ikerkuntzarako zerbitzu orokorrak (SGIker) eta beroriek hartuko dituen ikertaldearen azpiegiturak eta materiala erabili ahal izango dituzte. Era berean, eskubidea izango dute sailaren ikerketa baliabideak erabiltzeko, eta ikertaldeak bere ikerlana egiten duen ikastegiko baliabideak ere, horretarako ezarrita dauden baldintzei men eginez betiere.

9.3. Kontrataturako langileek lankidetzaren osagarriak eskaini ahal izango dituzte proposaturako ikerketaren jarduerarekin lotutako irakaskuntza zereginetan, ikasturte bakoitzeko gehienez 60 ordotara arte, eta gehienez 180 ordu kontratua indarrean dagoen bitartean edo indarrean dagoen legeriak ezartzen duenean, betiere tesiaren zuzendariak eta, hala badagokio, inplikaturako saila ados jarri ondoren, eta UPV/EHUko langileen bateraezintasunei buruz indarrean dagoen arautegiaren arabera, eta ezin izango dira irakasgaien arduradun izan, probarik egin edo ikasleak ebaluatu.

Irakasle lanetan laguntzeko baimen eskaera IAEn aurkeztuko da, irakasleen lankidetzaren hasteko aurreikusitako eguna baino hamabost egun lehenago gutxienez, eta saileko zuzendariak, doktore tesiaren zuzendariak eta kontraturako pertsonak sinatu beharko dute.

9.4. Kontrataturako langileek mugikortasun laguntza jaso ahal izango dute 5.4 oinarrian eskatzen den atzerriko egonaldia egiteko, UPV/EHUko ikertzaileen mugikortasunerako laguntzen deialdian aurreikusitako baldintzetan.

## **10. oinarria. KONTRATATURAKO LANGILEEN BETEBEHARRAK**

10.1. Eskabidean adierazitako doktorego programan urteko matrikula formalizatzea, UPV/EHUko Graduondoko Batzordeak ezartzen dituen aldi eta epeen barruan, eskabidean adierazitako zuzendari berberekin, Ikerketaren arloko Errektoreordetzari jakinarazitako eta berak baimendutako ezinbesteko egoeretan izan ezik.

10.2. Zeinek bere lana egin adskribitutako sailean, institutuan edo gunean.

10.3. Atzerrian ikerketa egonaldia egitea, gutxienez 3 hilabetez jarraian. Egonaldi hori doktorego aurreko laguntzaren lehenengo 3 urteetan egin beharko da, modu jarraituan. Betebehar hori ez betetzeak laugarren eta azken urtean laguntza ekonomikoa ez berritzea ekarriko du.

**Atzerrian egindako egonaldiaren egiaztatzea IKZn aurkeztu beharko da, laugarren urtea luzatzeko aurreikusitako data baino gutxienez 3 hilabete lehenago.**

10.4. Laguntza jasotzearekin zerikusia duten txosten, formulario eta gainerako agiriak bete beharko dituzte IAE-k edo deialdia gestionatzen duten zerbitzuek hala eskatzen dietenean.

10.5. Honako deialdi honen aipamena egin beharko dute, kontratuak dirauen bitartean egingo liratekeen ikerketa jardueretatik ondorioztatutako liratekeen argitalpen eta bestelako emaitzetan.

10.6. Organo eskudunek egin ditzaketen egiaztatze eta finantza kontrol jardueretara makurtzea, jarduera horietarako eska dezaketen edozein informazio emanez.

10.7. UPV/EHUren titulartasuna aitortzea, prestatzen ari diren ikertzaileen ikerketa-lanaren ondorioz sor litezkeen argitalpen, patente, modelo baliagarri eta jabetza intelektualeko objektuen nahiz lanen inguruan, jabetza industrial edo intelektualaren helburuko horien asmatzaile gisa egin beharreko aitortpenari betiere eutsiz.

10.8. Ikertzailearen Gutun Europarrean aurreikusitako betebehar orokorrak eta espezifikoak betetzea.

10.9. Doktore titulua lortuko dute legezkiekeen doktorego arautegietan aurreikusitako epeen barruan.

## **11. oinarria. TESI ZUZENDARIAREN BETEBEHARRAK**

11.1. Tesi zuzendarien betebeharra izanen da doktoregaiari emandako laguntza zehaztutako helburuaren betetzeko baliatzen dela bermatzea, laguntza indarrean den bitartean tesi zuzendari-kide gisa arituko direlarik. Era berean, Ikerketaren arloko Errektoreordetzari jakinarazi beharko diote tesiaren defentsa eragotziko ahal duen edozein baldintzaren berri.

11.2. IAE-ri jakinaraziko diote deialdi honen bidez kontratatu den pertsonalak doktore gradua lortu duela.

11.3. Laguntza jasotzearekin zerikusia duten txosten, formulario eta gainerako agiriak bete beharko dituzte IAE-k edo deialdia gestionatzen duten zerbitzuek hala eskatzen dietenean.

## **12. oinarria. BATERAEZINTASUNEN ERREGIMENA**

Deialdi honen kontura finantzatutako kontratuak bateraezinak izango dira beste edozein kontraturen indarraldiarekin, Bateraezintasunei buruzko abenduaren 26ko 53/1984 Legearen 19. artikuluko jarduerak eta Unibertsitate Sistemari buruzko martxoaren 22ko 2/2023 Lege Organikoaren 60. artikuluan jasotako beste erakunde edo pertsona fisiko batzuekiko lankidetzak kontratuak izan ezik. Nolanahi ere, jarduera horretan parte hartzea bateragarria izango da baldin eta ez badio eragiten doktorego aurreko kontratuaren prestakuntza alderdiari, bere xedea zuzenean lotuta badago doktorego tesiarekin, eta tesi zuzendariak baimena ematen badu, zeinak, aldi berean, parte hartu beharko baitu. Aipatutako jardueren jaso ahal izango diren ordainsariak ezin izango dute laguntzaren urteko zenbateko gordinaren % 30 gainditu.

Deialdi honen babesean jasotako laguntzak bateraezinak dira bestelako ikasketa arautuekin, izan urrutiko modalitatean, izan aurrez aurrekoan.

## **13. oinarria. UKO EGITEAK, BAJAK ETA KONTRATUAREN AMAIERA**

Deialdi honen bidez kontratatutako langileek izandako gorabeherak oro, tesiaren garapenari eragiten badiote edo laguntza emateko baldintzak aldatzen badituzte, onuradunak jakinarazi beharko ditu tesi zuzendariaren oniritziarekin gertaera eragilearen ondorengo hiru egun baliodunetan. Onuradunak emandako laguntzari uko egin nahi badio, gertakaria gertatu baino 5 egun baliodun lehenago jakinarazi beharko du.

Eskaera egiteko, idazkia bidali beharko da [rrh-inves.dgi@ehu.eus](mailto:rrh-inves.dgi@ehu.eus) helbide elektronikora, kasu bakoitzean eskatzen diren egiaztagiriekin batera.

Horrez gain, kontratatutako ikertzaileak bere uko egitearen, bajaren edo gorabeheraren berri emango dio Irakasle eta Ikertzaileen arloko Errektoreordetzari.

## **14. oinarria. JARRAIPENA**

14.1. Deialdi honen arabera kontratatutako langileek egindako lanaren jarraipen zientifiko-teknikoa IKZri dagokio, eta horretarako prozedura egokiak ezarriko ditu. Halaber, beharrezkotzat jotzen dituen organo, batzorde edo langile adituak izendatu ahal izango ditu, kontratuaren aplikazioaren jarraipen eta egiaztapen jarduketara egokiak egiteko eta egokitzat jotzen duen informazio osagarria aurkezteko eskatzeko.

14.2. Oro har, dokumentu horiek deialdi honetarako argitaratzen diren ereduaren arabera beteko dira eta kontratuak indarrean ematen dituen urteetako bakoitzaren ondorengo lehenengo hilabetean aurkeztuko zaizkio IAERI.

14.3. Kontratua amaitu eta hilabeteko epean, amaierako txosten bat aurkeztuko da Ikerketaren arloko Errektoreordetzan, kontratuaren indarraldian zer jarduera egin diren ezagutarazteko.

## **15. oinarria. KONTRATUEN ETETEA**

15.1. Lan kontratua ondorengo arrazoietakoa batengatik etengo da:

- a. Kontratuak berak uko egitea.
- b. Kontratuaren indarraldia amaitzea.
- c. Eskaeran adierazitako doktorego programan matrikulatutako pertsonaren izaera galtzea.
- d. Laguntza emateko aintzat hartutako betebeharrak bete ez edo baldintzak aldatzea, barne izanik doktorego programako matrikula edo eskarian adierazitakoez besteko tesi zuzendariarekin aritzea, Ikerketaren arloko Errektoreordetzaren baimenik gabe.
- e. Tesi zuzendariak eta doktorego programaren arduradunak hala eskatuta, tesi zuzendariak eta doktorego programaren arduradunak abalaturako txostenak arrazoituz gero.
- f. Gerora sortutako bateraezintasunen batengatik.
- g. Laguntzarako aurrekontu krediturik ez dagoelako.

h. 5.4. oinarrian eskatutako egonaldia kontratuaren hirugarren urtea amaitu aurretik egin ez izana.

## **16. OINARRIA. IKERKETA JARDUERETAN BETE BEHARREKO PRINTZPIOAK**

16.1. Deialdi honen bidez gauzatu nahi diren jardueretan gizakiak, gizakien lagin biologikoak eta/edo datu pertsonalak erabili nahi badira, ondorengo baldintzak bete behar dira:

- Aitorpenetan jasotako printzipio etikoak errespetatzea (Belmont, 1979; CIOMS, 2002; Giza Genoma, UNESCO, 1997; Oviedoko Biltzarra, 1999; eta Tokio, 2004).
- Indarreko legeria bete: 14/2007 Legea, Ikerketa Biomedikoari buruzkoa; 1716/2011 Errege Dekretua, Biobankuei buruzkoa; 41/2002 Legea, Pazientearen Autonomiari buruzkoa; 15/1999 Legea; 3/2018 Lege Organikoa, abenduaren 5koa, Datu Pertsonalak Babesteari eta Eskubide Digitalak Bermatzeari buruzkoa; eta 2016/679 (EB) Erregelamendua, Europako Parlamentuarena. Bai eta Datu Pertsonalak Babesteari buruzko UPV/EHUren Arautegia ere.
- Kasuan kasuko Etika Batzordearen (AEEB) aldeko txostena lortu, alde aurretik eta nahitaez, Gobernu Kontseiluaren 2014ko urtarrilaren 30eko Erabakian, UPV/EHUko ikerketako eta irakaskuntzako etika organoak arautzen dituen Arautegiak jasotzen duen bezala (erabakia 2014-02-17ko EHAA<sup>n</sup> argitaratu zen, 32. zk.).

16.2. Deialdi honen bidez gauzatu nahi diren jardueretan animaliekin esperimentatu nahi bada, ondorengo baldintzak bete behar dira:

- Nazioartean sustatutako ordezte, murrizte eta fintze irizpideak errespetatu.
- Animaliekin ikertzearen arloko indarreko araudia bete (53/2013 ED).
- Animaliekiko Esperimentaziorako Ikerketako Batzorde Etikoaren (AEIBE) aurreko eta nahitaezko aldeko txostena lortzea, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanean etika organoak arautzeari buruzkoan (EHAA, 32 zk., 2014-02-17koa), jasotzen duen bezala.
- Agintari eskudunaren baimena agertu (foru diputazioen abeltzaintza saila).

16.3. Deialdi honen bidez gauzatu nahi diren jardueretan agente biologikoak eta/edo genetikoki eraldatutako organismoak (GEO) erabili nahi badira, ondorengo baldintzak bete behar dira:

- Giza osasuna eta ingurumena babestearen inguruko prebentzio, zuhurtasun eta informazio printzipio etikoak errespetatu.
- Arlo horretako indarreko arautegia bete (31/1995 Legea, laneko arriskuak prebenitzeari buruzkoa; 664/1997 ED, langileak eragile biologikoekin lan egitearen arriskuetatik babesteari buruzkoa; 665/1997, langileak eragile kartzinogenoekin lan egitearen arriskuetatik babesteari buruzkoa; 9/2003 Legea eta 178/2004 ED, genetikoki eraldatutako organismoen erabilera konfinatua, borondatezko askapena eta merkaturatzeari buruzkoa).
- Agente Biologikoekin eta Genetikoki Eraldatutako Organismoekin eginiko ikerketetarako Etika Batzordearen (CEIAB) aginduzko aldeko txostena lortu, Gobernu Kontseiluaren 2014ko urtarrilaren 30eko erabakiak, UPV/EHUko ikerketan eta irakaslanean etika organoak arautzeari buruzkoak (EHAA, 32. zk., 2014-02-17koa), jasotzen duen bezala.

16.4. Deialdi honen bidez gauzatu nahi diren jardueretan enbrioi zelula amekin edo haietatik eratorritako zelula lerroekin ikerketak egiteko beharrezkoa izango da hauek betetzea: 45/2003 Legea eta hari dagokion 2132/2004 ED, soberako aurre-enbrioietatik eskuratutako zelula amekin ikerketak egiteko baimena eskatzeko baldintzak eta prozedurak ezartzen dituena, bai eta 09/2014 ED ere, uztailaren 4koa, giza zelulak eta ehunak emateko, lortzeko, ebaluatzeko, prozesatzeko, zaintzeko, gordetzeko eta banatzeko kalitate eta segurtasun arauak ezartzen dituena.

Horrez gain, giza laginekin egindako ikerketari buruzko arau hau ere kontuan izan behar da: 1716/2011 Errege Dekretua, azaroaren 18koa; honen bidez, alde batetik, biomedikuntzako ikerketa egiteko xedea duten biobankuak baimentzeko oinarritzko eskakizunak ezartzen dira, baita biobanku horiek jarduteko oinarritzko eskakizunak ere; bestetik, giza lagin biologikoak tratatzeko bete behar diren oinarritzko eskakizunak ezartzen dira, eta, azkenik, Ikerketa Biomedikorako Erregistro Nazionalaren funtzionamendua eta antolamendua arautzen dira. (EBO, 290. zk., 2011ko abenduaren 2koa, ostirala).



16.5. Deialdi honen bidez proposatutako jarduerak ezin izango dute lagundu gerrak garatzen, sustatzen eta bultzatzen, eta, zehazki, ez dira jardungo zuzenean edo zeharka lagunduko armak fabrikatzen eta/edo merkaturatzen diharduten enpresekiko lankidetzan.

#### **AZKEN XEDAPENETAKO LEHENENGOA**

Deialdi honek administrazio bidea agortzen du eta honen kontra administrazioarekiko auzi errekurtsua jar daiteke Bilboko Administrazio Auzietako Epaitegietan, bi hilabeteren epean deialdia argitaratzen den egunetik kontatzen hasita. Hala izanik ere, aukerazko birjartze errekurtsua jarri ahal izango da erabakia argitaratu eta hilabetearen epean Ikerketaren arloko Errektoreordearen aurrean, 39/2015 legearen 123. artikuluekin bat etorrira.

#### **AZKEN XEDAPENETATIK BIGARRENA**

Honako deialdi hau Ikerketaren arloko Errektoreordetzaren webgunean argitaratzerakoan sartuko da indarrean.

Leioa, 2024ko maiatzaren 30an.

Inmaculada Arostegui Madariaga

Ikerketaren Arloko Errektoreordea  
Vicerrectora de Investigación

## **I. ERANSKINA**

### **GJHen KATALOGOA**

Eskarian adieraziko da, Agenda 2030en Garapen Iraunkorreko zein helbururekin (GIH) bat datorren aurkezten den proiektua (gehienez 3 aukeratu, planteatzen den proiektuarekiko harreman mailaren arabera ordenatuta). Honako hauek dira GIHak:

1. GIH. POBREZIA DESAGERTZEA
2. GIH. GOSERIK EZ IZATEA
3. GIH. OSASUNA ETA ONGIZATEA
4. GIH. KALITATE ONEKO HEZKUNTZA
5. GIH. GENERO BERDINTASUNA.
6. GIH. EDATEKO URA ETA SANEAMENDUA
7. GIH. ENERGIA ESKURAGARRIA ETA EZ KUTSATZAILEA
8. GIH. LAN DUINA ETA HAZKUNDE EKONOMIKOA
9. GIH. INDUSTRIA, BERRIKUNTZA ETA AZPIEGITURA
10. GIH. DESBERDINTASUNAK MURRIZTEA
11. GIH. HIRI ETA KOMUNITATE JASANGARRIAK
12. GIH. EKOIZPEN ETA KONTSUMO ARDURATSUAK
13. GIH. KLIMAREN ALDEKO EKINTZA
14. GIH. URETAKO BIZITZA
15. GIH. LEHORREKO BIZITZA
16. GIH. BAKEA, JUSTIZIA ETA INSTITUZIO SENDOAK
17. GIH. HELBURUAK LORTZEKO ITUNAK
- 17+1 GIH. HIZKUNTZA ETA KULTURA ANIZTASUNA

Eskarian labur deskribatuko dira (gehienez 500 karaktere) aurkezten den ikerketa proiektuak eta bere helburuek hautatutako eta lehenetsitako hiru GIHeekin duten lotura.

**II. ERANSKINA: TITULAZIOEN BATEZBESTEKO NOTAK**

<b>IKASKETAK</b>	<b>Titulazioaren batezbestekoa</b>	<b>Titulazioaren desb. estandarra</b>	<b>Erabilitako espediente kop.</b>
Enpresen Administrazio eta Zuzendaritzako Gradua	68,89	6,99	1632
Gizarte Antropologiako Gradua	78,13	6,65	131
Arkitektura Teknikoko Gradua	66,11	5,90	89
Arteko Gradua	76,29	7,11	463
Biologiako Gradua	72,88	7,10	320
Biokimikako eta Biologia Molekularreko Gradua	80,98	6,27	170
Bioteknologiako Gradua	76,13	7,02	155
Politika Zientziako eta Kudeaketa Publikoko Gradua	72,73	8,25	212
Elikagaien Zientzia eta Teknologiako Gradua	67,19	5,08	100
Ingurumen Zientzietako Gradua	71,20	5,07	157
Jarduera Fisikoaren eta Kirolaren Zientzietako Gradua	74,74	5,33	457
Ikus-entzunezko Komunikazioko Gradua	73,15	5,39	313
Kultura Ondareen Kontserbazio eta Zaharberritzeari buruzko Gradua	71,86	6,58	125
Sorkuntza eta Diseinuko Gradua	76,33	6,48	321
Kriminologiako Gradua	76,53	5,15	210
Zuzenbideko Gradua	71,03	7,62	800
Ekonomiako Gradua	68,51	7,27	245
Haur Hezkuntzako Gradua	78,73	5,11	1261
Lehen Hezkuntzako Gradua	77,85	5,85	1904
Lehenengo Hezkuntzako Gradua (hirueleduna)	79,30	6,01	76
Gizarte Hezkuntzako Gradua	78,52	5,06	726
Erizaintzako Gradua	81,46	4,28	1438
Ingeles Ikasketetako Gradua	72,90	7,48	309
Euskal Ikasketetako Gradua	71,78	8,89	170
Farmaziako Gradua	70,50	5,84	480
Filologiako Gradua	74,84	7,75	270
Filosofiako Gradua	77,39	7,96	106
Finantza eta Aseguruetako gradua	61,51	3,93	12
Zerga Sistemako eta Administrazio Publikoko Gradua	66,17	5,30	70
Fisikako Gradua	69,77	6,95	249
Fisioterapiako Gradua	80,73	4,92	211
Arkitekturaren Oinarrietako Gradua	67,72	5,44	316
Geografiako eta Lurralde Antolakuntzako Gradua	69,37	7,24	76
Geologiako Gradua	65,20	6,28	92
Negozien Kudeaketako Gradua	66,96	6,23	389
Historiako Gradua	72,91	7,84	332
Artearen Historiako Gradua	73,18	8,13	125
Ingurumen Ingeniaritzako Gradua	65,52	4,88	30
Ingeniaritza Zibileko Gradua	66,79	6,46	204

Energia Berriztagarrien Ingeniaritzako Gradua	72,12	6,17	185
Meatzaritza eta Energia Teknologiaren Ingeniaritzako Gradua	64,50	4,74	47
Ingeniaritza Elektrikoko Gradua	62,87	4,93	138
Ingeniaritza Elektronikoko Gradua	67,51	6,14	99
Industria Elektronikaren eta Automatikaren Ingeniaritzako gradua	66,80	6,52	683
Automobilgintza Ingeniaritzako gradua	77,42	4,64	66
Geomatika eta Topografia Ingeniaritzako Gradua	64,04	4,91	17
Prozesu eta Produktu Berrikuntzaren Ingeniaritzako Gradua	69,71	4,54	84
Industria Antolakuntzako Ingeniaritzako Gradua	68,91	4,73	125
Telekomunikazio Teknologiaren Ingeniaritzako Gradua	68,11	5,82	233
Industria Teknologiaren Ingeniaritzako Gradua	67,91	6,38	648
Informatika Ingeniaritzako Gradua	71,32	8,49	367
Kudeaketaren eta Informazio Sistemen Informatikaren Ingeniaritzako gradua	69,57	6,96	261
Ingeniaritza Mekanikoko gradua	65,48	5,71	798
Ingeniaritza Kimikoko Gradua	68,30	6,19	189
Industria Kimikaren Ingeniaritzako Gradua	65,38	5,63	58
Itsasketako Gradua	68,49	4,85	52
Marketineko Gradua	69,89	6,38	139
Matematikako gradua	70,23	7,81	285
Medikuntzako Gradua	80,19	5,79	1100
Nautika eta Itsas Garraioko Gradua	70,40	6,89	56
Giza Nutrizioko eta Dietetikako Gradua	72,09	5,55	182
Odontologiako Gradua	77,81	7,02	128
Pedagogiako Gradua	80,46	5,27	198
Kazetaritzako Gradua	70,73	6,56	555
Psikologiako Gradua	75,47	5,76	912
Publizitateko eta Harreman Publikoetako Gradua	70,36	5,10	455
Kimikako Gradua	70,76	7,18	479
Lan Harreman eta Giza Baliabideetako Gradua	70,73	7,17	365
Soziologiako Gradua	71,21	6,89	184
Gizarte Langintzako Gradua	74,45	6,87	464
Itzulpengintza eta Interpretazioko Gradua	79,25	6,59	222
<b>Guztira, orokorrean</b>	<b>73,37</b>	<b>7,94</b>	<b>24520</b>
UPV/EHU <sup>n</sup> BALIOKIDERIK EZ	<b>73,37</b>	<b>7,94</b>	

**Oharra:** Batez besteko nota eta desbideratze estandarra kalkulatzeko behar adina espediente akademiko ez duten titulazioetan, 7.2 oinarriko a) oharreko bigarren paragrafoan adierazitakoaren arabera, "UPV/EHU<sup>n</sup> baliokiderik ez" lerroan adierazitako balioak erabiliko dira, kontuan hartuta oinarriko ikastaroetan metatutako espediente kopurua oso txikia dela.

**III. ERASKINA: BATEZBESTEKO NOTA NORMALIZATZEKO PROZEDURA**

Espediente akademikoko batez besteko nota haztatua (lehenengo irizpidea) eskatzaileak egindako titulazioaren arabera normalizatuko da, aurreko ikasturteetan UPV/EHU<sub>n</sub> titulazio hori egin duten ikasleen batez besteko notak erabiliz. UPV/EHU<sub>n</sub> emandako titulazioen batez besteko notak erabiliko dira, 2019/20, 2020/21, 2021/22 eta 2022/23 ikasturteetan ikasketak amaitu zituzten ikasle guztientzat kalkulaturik, deialdiaren II. eranskinean jasota daudenak.

Eskaerako titulazioa ez badago UPV/EHU<sub>n</sub>, edo titulazio horri dagozkion batez besteko noten kopurua ez bada adierazgarria, aurreko ikasturteetan UPV/EHUko titulazioetan lortu diren batez besteko notak erabiliko dira normalizaziorako.

(b): Espainiako unibertsitate sistematik at lortutako espedienteen kasuan, aipatu berri den 1. irizpidea balioesteko Kalitatea Ebaluatu eta Egiaztatze Agentzia Nazionalak (ANECA) atzerrian egindako unibertsitate ikasketen batez besteko nota balioak kalkulatzeko zerbitzuaren bidez esleitutako balioa aplikatuko da, baldin eta baliokidetza hori beharrezkoa bada lehiaketa prozesu batean aurkeztu ahal izateko.

ANECAn emandako ziurtagiria deialdiaren 6. oinarrian adierazitako gainerako dokumentazioarekin batera aurkeztu beharko da. Ziurtagiri hori aurkeztu ezean, 1. irizpideari dagokionean 10 puntu esleituko dira.

Eskaeran adierazitako titulazioaren espediente akademikoaren batez besteko nota haztatutik abiatuta normalizatuko da batez besteko nota, honako definizio hauek erabilita eta ondoren zehazten den moduan.

**Eskatzailearen\_BatezBestekoa:** Eskaeran adierazitako espediente akademikoaren batez besteko nota haztatua.

**Titulazioaren\_BatezBestekoa:** Eskaerako titulazioaren espediente akademikoetako batez besteko nota haztatuen batez bestekoa.

**Titulazioko\_DesbEstand:** Eskaerako titulazioaren azken urteetako espediente akademikoetako batez besteko nota haztatuen desbideratze estandarra .

**NK\_eskatzalea:** Eskatzailearen espediente akademikoa normalizatzeko koefizientea, formula honen bidez kalkulaturik:

$$\frac{(\text{BatezBestekoNota\_eskatzalea} \times 10) - (\text{BatezBestekoNota\_titulazioa} \times 10)}{\text{DesbEstandarra\_titulazioa}}$$

**Gutx\_NK:** Gutxieneko normalizazio koefizientea, eskaera guztiak erabiliz kalkulaturik, balio baxuenen % 2,5 ezabatu ondoren.

**Geh\_NK:** Gehieneko normalizazio koefizientea, eskaera guztiak erabiliz kalkulaturik, balio altuenen % 2,5 ezabatu ondoren.

**Eskatzailearen\_NotaNormalizatua:** Eskatzailearen nota normalizatua, 0tik 50era bitarteko eskalada, 1. irizpidean zehaztutako balioaren arabera, eta honako formula honen bidez kalkulaturik (bi hamartarrekin biribildua):

$$= 50 \times \frac{(\text{NK\_eskatzalea}) - (\text{NK\_gutx})}{(\text{NK\_geh}) - (\text{NK\_gutx})}$$

Eskatzaile batek titulazio bikoitza egin badu, berarentzako notarik onuragarrien normalizatua aukeratuko da. Titulazio bat baino gehiago aldi berean egin ez badira, 3.1.a. oinarrian ezarritako denbora eskakizuna betetzen duena erabiliko da normalizaziorako.